

Messadi pertucont prender per enconuschientscha dil concept pil svilup dallas plazzas da giugs ed il credit per la renovaziun dalla plaza da giugs Paradieswäldli a Glion

Prezau signur president dil parlament
Stimadas parlamentarias, stimai parlamentaris

Il tema davart las plazzas da giugs fatschenta gia dagit la vischnaunca Ilanz/Glion. Sin igl intschess communal sesanflan buca meins che 12 plazzas da giugs publicas. Quellas han per part munconzas da segirtad gravontas e ston punctualmein vegrén renovadas urgentamein. Per saver impunder ils mieds finanzials limitai a moda raschuneivla ei ina planisaziun sur plirs onns indispensabla.


Per l'elaboraziun dil concept dallas plazzas da giugs ei ina cumissiun vegrénida convocada dalla vischnaunca. Las constattaziuns dalla cumissiun pertucont il svilup futur dallas plazzas da giugs ein flessegidas el concept. La cumissiun secumponeva suandontamein:

- Damian Cadalbert, suprastonza communal
- Mathilda Derungs, parlament communal
- Michal Hohl, parlament communal
- Anna Malin Gschwend, club da skis Castrisch
- Werner Walder, scola Glion
- Tamas Vasics, construcziun bassa vischnaunca
- Andreas Pfister, infrastructura vischnaunca

Situaziun da partenza ed intent concept

Plazzas da giugs ein loghens d'emprender, als quals ils affons fan experientschas cun l'autonomia e la segirtad da sesez a moda termaglionta. Duront il giugar gezzan els lur senns ed emprendan habilitads motoricas. Igli in cun l'auter promova plinavon il svilup dalla cumpetenza sociala. Igli ei loghens, els quals ils affons san extender lur radius e sesviluppar libramein e far experientschas primaras ordeifer las atgnas preits-casa. Plazzas da giug che funcziuneschan bein ein era loghens centrals per sentupar che percepeschán impurtontas funcziuns sco la participaziun publica e l'integrazion sociala. Perquei ein ellas ina part indispensabla d'in ambient da habitar attractiv ed en favur dils affons ch'influenzescha la qualitat da viver da tuttas generaziuns. Plazzas da giug ch'ein concepidas a moda attractiva augmentan aschia la qualitat dil liug dalla vischnaunca e valuriseschan aschia igl ambient da habitar. Medemamein san elllas esser in instrument turistic interessant per il marketing.

Cun quella tenuta ei il concept per il svilup dallas plazzas da giugs vegnius elaboraus en collaboraziun cun il biro da planisaziun Wegmüller, Claustra. Sco fundament per quei concept ha igl inventari dil survetsch per la prevenziun d'accidents (bfu) surviu, tal ei vegnius concepius igl onn 2019. Quei rapport ha demussau numerusas munconzas sin las plazzas da giugs, las qualas han stuiu vegrén rugaladas immediatamein. Las munconzas da segirtad acutas ein vegnidás eliminadas directamein resp. ils urdeins da giugar defects ein vegni allontanai. Schiglioc han ins sulettamein fatg las lavurs da manteniment las pli urgentas. Novs stabiliments han ins buca construiu ils onns 2019 e 2020 cun l'excepziun dalla plaza da giugs a Duvin (montau in niev urdein da giugar igl onn 2020).



Illustraziun 1: Pazzas da giug existentes ellas fracciuns e la nova piazza da giug a Schnaus/Strada

Il niev concept per il svilup dallas pazzas da giug porscha ina buna survesta dallas pazzas da giug communalas e demuossa, nua ch'ei fa ils proxims onns basegns d'agir. Ei vegn illustrau, nua che las prioritads tier las renovaziuns e tier ils remplazzamenti duein vegnir tschentadas.

L'attenziun principala vala al manteniment dils stabiliments existents ellas fracciuns. Tier las pazzas da giug existentes duei ina nova piazza da giug vegnir vitier. Muort resuns dalla populaziun da Strada e Schnaus ed il diember d'affons che crescha, ha la suprastanza communalia decidiu da preveser ina nova piazza da giug tier la casa communalia a Schnaus. Quella vegness sil pli baul realisada igl onn 2022.

Tier il svilup ni la renovaziun da pazzas da giug duei ins era tedlar sin ils affons e risguardar corrispudentamein lur vegliadetgna. Era quei ei part d'ina vischernaunca ed in ambient en favur dils affons.

Basegns d'agir a vesta media

Sper la piazza da giug Paradieswäldli han aunc 7 pazzas da giug in pli grond basegns dad ina sanaziun. Igl ei previu da sanar mintg'onn 1 entochen 2 pazzas da giug.

Etappaziun per ils proxims 5 onns:

| | | |
|-------|------------------------------------|---------------------|
| 2022: | CHF 190'000.00 | Rueun S. Clau |
| | CHF 100'000.00 | Schnaus |
| 2023: | CHF 200'000.00 | Siat/Tuf |
| 2024: | CHF 120'000.00 entochen 215'000.00 | Castrisch |
| | CHF 90'000.00 | Luven |
| 2025: | CHF 100'000.00 | Rueun casa da scola |
| | CHF 80'000.00 | Pitasch |

Renovaziun piazza da giug Paradieswäldli

Igl onn current duei la piazza da giug Paradieswäldli vegnir renovada. Ils cuosts da CHF 200'000.00 ein vegni reservai provisoricamein el preventiv 2021. Per l'execuziun ei in project detagliau cun schatzetg da cuosts avon maun.

La piazza da giug existenta ei vegnida realisada avon ca. 15 onns en collaboraziun cun affons e geniturs ed ei ils davos onns adina puspei vegnida cumplettada e renovada parzialmein. La gronda

structura da giug «Paradies» sco era ulteriurs urdeins da giug han denton urgentamein basegns d'ina sanaziun e corrispundan buca pli als standards da segirtad. Da principi duei la piazza da giug mantener siu caracter natural. Il tema «Igl emprem marcau spel Rein» stat el center. Sut il tetel «Ils pirats dil Rein» duei ina nova structura da giugar centrala en lenn da robinia duei attribuir in niev punct da memoria e d'attracziun alla nova piazza da giug. Ella ei resentida ad in bastiment e porscha diversas pusseivladads da giugar cun reiver e ballantschar. Vitier vegnan in niev sectur da giug d'aua e divers elements da giugar cun sablun e buglia. Cun in plaz da seser generus duei la piazza da giug che semeglia in parc era porscher a giuvenils e carschi pusseivladads attractivas da sefermar. Singulas parts dils urdeins vegnan allontanai. Las ballabeinas, urdeins da ballantschar, carussel, la fontauna da betun e la pendiculara restan. Sper il remplazzament dalla structura da giug «Paradies» vegnan ulteriuras adattaziuns realisadas. Il sectur d'access cun la structura da giug «Punt da paliu» vegn destruida e remplazzada parzialemin. La seiv da giugar vegn renovada. Il plaz da giugar cun aua e sablun vegn renovaus ed ina tenda da sulegl montada. Il trutg per ir a pei blut vegn restauraus (remplazzament dallas cuvridas).

Avon la planisaziun ha ina pintga occurrenza da cooperaziun cun geniturs interessai giu liug. Tenor basegns san ins integrar ulteriurs affons e giuvenils dil quartier ni scolaras e scolars dalla scola vischinonta ell'ulteriura procedura da planisaziun.



Illustraziun 2: Concept da detagl restrukturaziun plazza da giug Paradieswäldli.

Cuosts renovaziun plaza da giug Paradieswäldli

| | | |
|--|------------|-------------------|
| Lavurs preliminaras e transports | CHF | 6'000.00 |
| Lavurs da tiara e formaziun digl areal | CHF | 7'000.00 |
| Colligiaziuns e cuvridas | CHF | 37'000.00 |
| Surfatschas verdas e d'aua | CHF | 4'000.00 |
| Plantar e semnar | CHF | 5'000.00 |
| Indrezs | CHF | 103'000.00 |
| Planisaziun e cuosts accessoricis | CHF | 25'000.00 |
| <u>Reserva e nunprevediu</u> | CHF | <u>13'000.00</u> |
| Total cuosts d'investiziun | CHF | 200'000.00 |

Las atgnas lavurs dalla vischnaunca sco demontascha dils urdeins existents, indrezs, cuvridas, enramaziuns, lavurs da plantar ni la restauraziun dil trutg per ir a pei blut ein buc integradas els cuosts.

Contribuziuns dil cantun e da tiarzs

Pazzas da giug vegnan sustenidas da differentas varts. Denter auter paga era il cantun Grischun contribuziun a pazzas da giug. Igl Uffeci cantunal per il sport contribuescha 20 % dils cuosts totals, maximalmein CHF 10'000.00. Perquei ston entginas premissas esser ademplidas:

- La plazza da giugs sto esser accessibla publicamein e duront igl entir gi.
- Ei sto vegnir purschiu ils suandonts tips da basa da moviment:
 - cuorer, siglir
 - ballantschar
 - rullar, rotar
 - reiver, sepusar
 - far ballabeina, slantschar
 - ruschnar, lischnar

Ina damonda per ina contribuziun pertucont la plazza da giug Paradieswäldli Glion ei vegnida inoltrada tier il cantun. Era da tiarzs vegn pagau contribuziuns a pazzas da giug. Las damondas corrispudentas ein vegnidas tarmessas a differentas fatschentas ed instituziuns ed ein aunc pendentes.

Propostas

Sin fundament dallas explicaziuns precedentas fa la suprastonza communalas las suandontas propostas al parlament communal:

- prender per enconuschientscha il concept per il svilup dallas pazzas da giug;
- approbaziun dil credit brut da CHF 200'000.00 per la renovaziun dalla plazza da giug Paradieswäldli a Glion.